

2017-imi isertitat

2017-imi innuttaasut 14-it sinnerlugit ukiullit agguaqatigiissillugu ilanngaateqanngitsumik isertitaat 245.000 kr.-iuvoq. 2016-imut naleqqiullugu 5.000 kr.-inik amerlanerupput procentinngorlugu 2,2 pct.-ulluni.

Distriktimi Qaanaami innuttaasut isertitaat qaffariaateqarnerpaajusimavoq, inuit isertitaat agguaqatigiissillugit 11.000 kr.-inik 2016-imut sanilliullugu annertuseriarsimavoq, tassa isertitat 8,1 pct.-inik qaffariarsimapput. Taamaakkaluartoq distriktimi Qaanaami isertitat appasinnerpaajupput. 2017-imi isertitat Nuummi qaffasinnerpaajupput, tassani agguaqatigiissillugit ilanngaateqanngitsumik isertitat 323.000 kr.-iupput, 3,4 pct.-imik ukiup siulianut sanilliullugu qaffassimallutik.

Distriktini arfineq marlunni agguaqatigiissillugu ilanngaateqanngitsumik isertitat appariarsimapput. Distriktimi Upernavimmi isertitat annikilliarnerpaajusimapput, tassani najugaqartut agguaqatigiissillugu ilanngaataqanngitsumik isertitaat 4,4 pct.-mik appariarsimapput. 2017-imi Upernaviup distriktiani agguaqatigiissillugit ilanngaateqanngitsumik isertitat 165.000 kr.-iupput.

Tabeli 1. 2015-imiit 2017-imut distriktini agguaqatigiissillugit ilanngaateqanngitsumik isertitat


	2015	2016	2017	Allannguut 2016-2017
	1.000 kr.			Pct.
Nuna tamakkerlugu	229	240	245	2.2
Nanortalik	152	160	167	4.5
Qaqortoq	209	216	225	4.2
Narsaq	182	182	191	4.9
Paamiut	176	177	185	4.2
Nuuk	305	312	323	3.4
Maniitsoq	205	220	218	-1.3
Sisimiut	238	250	253	1.2
Kangaatsiaq	141	153	154	0.6
Asiaat	182	193	192	-0.5
Qasigianguit	187	202	206	1.9
Ilulissat	214	238	236	-0.6
Qeqertarsuaq	196	206	203	-1.5
Uummannaq	197	214	209	-2.1
Upernavik	159	173	165	-4.4
Qaanaaq	139	137	148	8.1
Tasiilaq	155	162	170	4.8

Ittoqqortoormiit	182	180	174	-3.4
------------------------	-----	-----	-----	------

Najoqqutaq: Kisitsisaataasivik. <http://bank.stat.gl/INNP2>

Piffissap taassuma ingerlanerani pisiassat annikitsuinnarmik akitsorput, ukiut kingulliit pingasut ingerlaneranni agguaqatigiissillugu ilanngaateqanngitsumik isertitanit annikinnerusumik pisiassat katsorput. Taamaasilluni 2015-imi, 2016-imi aamma 2017-imi isertitat pisissutaasinnaasut qaffapput. Inuit pisinnaanerit annertuseriarpoq, Kalaallit Nunaanni Naatsorsueqqissaartarfiup isertitat pillugit paasissutissioralerneranit aatsaat taamak isertitat pisissutaasinnaasut qaffasitsigisut titartakkami 1-imi takuneqarsinnaavoq

Titartagaq 1. 2002-miit 2017-imut isertitat pisissutaasinnaasut pillugit naleqqersuut



Najoqqutaq: Kisitsisaataasivik. <http://bank.stat.gl/INNP2> aamma Nuna tamakkerlugu naatsorsuutini akinut naleqqersuut.

Innuttaasut isertitaanut paasissutissat itinerusut Naatsorsueqqissaartarfiup maanna saqqummersitaani ”2017-imi isertitat”-ni atuarneqarsinnaapput. Inuit isertitaat, inoqutigiit isertitaat, isertitanit akileraarutit aamma isertitat agguarneri saqqummersitami takuneqarsinnaapput. Isertitanut paasissutissat nammineerluni nalunaarsuiffimmit pissarsiarineqarsimasut saqqummersitamut tunngavigineqarput. Sulinermi akissarsiat kisiisa pinnagit - Isertitat nalunaarutigineqarsimasut tamarmik paasissutissanut ilanngunneqarput. Taamaammat paasissutissat akissarsianut paasissutissanut paarlaanneqassanngillat.

Saqqummersitaq ”2017-imi isertitat” Naatsorsueqqissaartarfiup nittartagaanut www.stat.gl-imut pdf filinngorlugu aaneqarsinnaavoq. Naatsorsueqqissaartarfiup kisitsisaataasivianut bank.stat.gl-imut aamma kisitsisinik sukumiisunik aallertoqarsinnaavoq.

Paasisaqarnerorusuttut uunga saaffiginnessinnaapput:

Naatsorsueqqissaartarfiup pisortaa Anders Blaabjerg oqarasuaat 34 57 81 (toqqaannartoq).

